



UPA 2014/11.1  
21.05.2014  
Agathe Fontain

### **2013-imut Nunatta Karsiata naatsorsuutaasa akuersissutigineqarnissaannik siunnersuut**

(Aningaasaqarnermut Nunamullu Namminermet Naalakkersuisoq)

Nunatta karsiani ingerlatsinermet sanaartormullu naatsorsuutit 77,6 mio. kr sinneqartooritilik saqqummiunneqarpoq.

Nalunaarummi oqaatigineqarpoq annerusumik aktie-nik piginneqatigiiffinni aktie-t pigisat agguagarsianit naatsorsuutigisaniit 48,5 mio.-kr amerlanerusunik isertitaqarnermit aammalu akileraarutit akitsuutillu 28 mio. kr missingersuutigineqartumiit annerusumik isertitsissutigineqarneranit pissuteqartoq.

Aktienik piginneqatigiiffiit inuiaqatigiinnut annerusumik tunniussaqaartalernerat qutsatigissavarput. Tassami ukiut 2009-p siuliini amerlanerit amigartoorlutik nunattalu karsianut immikkut tunniussaqaaratik ingerlasarnikuummata. Aktienik piginneqatigiiffiit agguagarsianik tunniussisinnaasusiat tunngaveqarmat, siulersuisoqarnikkut aqutsineq pitsaasuuppat.

Inuit Ataqatigiit siulersuisoqarnermi aqutsineq pitsaasuunissaannik anguniagaqarsimanerput pitsaasuusoq, nunattalu karsianut iluaqutaasinnaasoq iluarisi-maarparput.

2013-mi nunatta karsia IST-mi naatsorsuutini 70,8 mio. kr sinneqartooruteqarpoq, missingersuutini 103 mio. kr amigartooruteqartussaagaluarluni, 173,8 mio. kr pitsanngo-riartoqarluni.

Nalunaarummi erserpoq, 2013-mi aningaasarsiorneq ataatsimut isigalugu appa-riaateqartoq, uuliasiorsinnaanermik misissuinerit annikilleriarnerannik aammalu sanaartorerit annikilliarnerannik pissuteqartumik. Isertitalli ataatsimoortinneqarneranni kinguppaat qalerallillu akigissaarsimanerat qaffatitsisimasut.

Allaffisorneq ataatsimut isigalugu 2013-mi aningaasartuutissat 16 mio- kr-nik atuiffiunngitsoorsimapput.

Atuinngitsoorfiusuni maluginiarparput nalinnginnaasoq atorfiit piusut inuttassaa-leqiffiusarneri. Namminersorlutik Oqartussat suliffeqarfiusariaqaralarpoq suliffigis-sallugu nuannersoq, kajumernartoq, tanngassimaarnartorlu suliffigissallugu. Neriuppugullu inuttassaa-leqinerimik ingerlaaseq qaangerneqariartorumaartoq.

Nalunaarummi nalunaarutigineqartut assersuutitut taarusussinnaasagut ukuupput:

Suliassaqarfiilli misissoraanni assersuutigalugu meeqqanut inuusuttuaqqanullu immikkut suliniutit, kinguaassiutitigut atonerlunneqarsimasunut suliniutinut, meeqqanut inussuttuaqqanullu pilersaarutitut katillugit, 1 million 611.000 koruunit atunngitsoorsimapput. Aammalu aappassaaneerinnginnermi ataatsimiititaliamut misissoqqarput pinaveersaatitsinnermi 768 t/kr atunngitsuukkat, qinnuteqarsimannginnermik peqquteqarsimasut. Suliniutinut aningaasaliisimagaanni pimoorullugu atorfissaanut atorneqarnissaat meeqqanut inuusuttuaqqanullu pitsaasunik kinguneqartussaammata atunngitsuuneq uggornartutut isigigatsigu.

Aningaasartuutit inatsisit tunngavigalugit pisussaaffigineqartut ataani erseqqissarneqarpoq 6 mio. kr atuinikiffiusimasut piginnaangorsaaqqiinnerminngaannersuusut kommunit aningaasaliisimannginneri pissuteqartumik.

Suliffissaaleqinerup piginnaangorsaaqqiinnerullu pisariaqartinneqarnerata nalaani pissutsit taakku akueriuminaapput.

Imigassanut tobamullu akitsuutinit isertitat ikileriarsimani ugguarinngilagut. Qinigaaffiup siuliani immikkut ittumik suliniutaasimasut kinguneraat, kissaa-tiginarporlu ingerlaaseq taanna atuinneqassasoq, naggataatigummi peqqin-nissaqarfimmut, inuiaqatigiinnullu tamanut pitsaasumik kinguneqarnissaat naat-sorsuutigisariaqarmat.

Ataatsimiititaliami misissorluarneqanissaa qilanaaralugu suliaq aappassaaneer-neqannginnerani ingerlateqqipparput.